

BOSNA I HERCEGOVINA

БОСНА И ХЕРЦЕГОВИНА



Tužilaštvo -Tužiteljstvo Bosne i

Hercegovine

Тужилаштво Босне и Херцеговине

**POSEBAN ODJEL ZA RATNE ZLOČINE**

Broj: T20 0 KTRZ 0003280 05

Sarajevo, 22.11.2022. godine

**SUD**

**BOSNE I HERCEGOVINE**

Na osnovu člana 35. stav 2. tačka i), člana 226. stav 1. Člana 227. Stav Zakona o krivičnom postupku Bosne i Hercegovine, podižem

**OPTUŽNICU**

PROTIV:

**VIDOVIĆ MARINKA,** [REDACTED] rođenog

1957. godine u Sarajevu,

državljanina Republike Srbije i Bosne i Hercegovine,

**VUJOVIĆ PERA,** [REDACTED] rođenog

1970. godine u Sarajevu,

državljanina

Republike Srbije i Bosne i Hercegovine,

[REDACTED]

Zbog postojanja osnovane sumnje da su:

U vremenskom intervalu od druge polovice mjeseca maja do kraja mjeseca juna 1992 godine, za vrijeme ratnog stanja i oružanog sukoba između Teritorijalne odbrane Srpske republike Bosne i Hercegovine a kasnije Vojske Srpske republike Bosne i Hercegovine sa jedne strane i Teritorijalne odbrane Republike Bosne i Hercegovine sa druge strane, na području opštine Ilijaš postupajući suprotno pravilima međunarodnog prava, kršeći odredbe člana 3 stav 1. tačka a), vezano za član 51 stav 1. i 2. Ženevske konvencije o zaštiti građanskih osoba za vrijeme rata od 12 avgusta 1949 godine, u okviru širokog i sistematičnog napada Teritorijalne odbrane Srpske opštine Ilijaš, koja je kasnije ušla u sastav 1 Ilijaške lakojurišne brigade Vojske Srpske republike Bosne i Hercegovine, na civilno nesrpsko stanovništvo opštine Ilijaš, znajući za taj napad i da njihove radnje čine dio toga napada, Vidović Marinko kao de facto komandir interventnog voda teritorijalne odbrane Srpske opštine Ilijaš, kasnije 1 Ilijaške lakojurišne brigade Vojske srpske republike Bosne i Hercegovine i Vujović Pero kao pripadnik toga interventnog voda, u cilju nanošenja velikih patnji i povreda tjelesnog integriteta civilnih lica, vršili progon na nacionalnoj, etničkoj i vjerskoj osnovi, ubistvima i teškim oduzimanjem fizičke slobode nesrpskog stanovništva u općini Ilijaš, tako što su kao pripadnici navedene oružane formacije pod komandom Vidović Marinka, dana 05.06.1992 godine, zajedno sa drugim NN pripadnicima navedene oružane formacije, izvršili oružani napad na civilno nesrpsko stanovništvo sela Lješevo u opštini Ilijaš, na način da su poslije artiljerijskog napada na navedeno selo ušli u isto, naoružani pješadijskim vojnim naoružanjem, te zapalili više kuća i u centralnom dijelu sela lišili slobode svo preostalo stanovništvo muslimanske nacionalnosti koje su zatekli a koje nije uspjelo pobjeći iz sela, na način da su ulazili u kuće i iz istih izvodili i lišavali slobode civilno muslimansko stanovništvo ili ih lišavali slobode pronalazeći ih na drugim mjestima u selu, te ih sproveli i postrojili u dvorišu kuće u Lješevu koja je u vlasništvu [REDACTED], gdje su Vidović Marinko, Vujović Pero, zajedno sa još [REDACTED] NN pripadnika iste vojne jedinice, pucajući iz vatrenog oružja, ubili civile [REDACTED]

a iste prilike u

namjeri da ih ubiju, teško ranili svjedoka [REDACTED] i [REDACTED], dok su u ostalom dijelu sela Lješevo pohapsili i lišili slobode svo nesrpsko stanovništvo koje su zatekli, njih tačno neutvrđeni broj, ne manje od 100 muškaraca, žena i djece, koji su potom sprovedeni i zatočeni u zatočenički logor formiran u naselju Podlugovi u opštini Ilijaš,

Dakle, Vidović Marinko i Vujović Pero, zajedno, u okviru širokog i sistematičnog napada vojnih i policijskih snaga Srpske Republike Bosne i Hercegovine, usmjerenog protiv civilnog bošnjačkog i hrvatskog stanovništva općine Ilijaš, znajući za takav napad i da njihove radnje čine dio toga napada, kao pripadnici vojnih snaga Srpske Republike Bosne i Hercegovine, kao saizvršioc i vršili progon civilnog nesrpskog stanovništva ubistvima, zatvaranjem i prisilnim preseljenjem stanovništva

Čime bi počinili krivično djelo Zločin protiv čovječnosti iz člana 172 st. 1. tačka h), u vezi sa istim članom stav 1 tačke a), d), i e), u vezi sa članom 180 st. 1. i članom 29 Krivičnog zakona Bosne i Hercegovine

TUŽILAC  
TUŽILAŠTVA/TUŽITELJSTVA BiH